

彰德府志



No. 18 卷 16
No. 19 卷 17

章德府志目錄

卷首

上諭

聖製

舊序

銜名

凡例

圖說

卷一

天文

地理

卷二

山川

卷三

建置

卷四

古蹟

卷五

學校

書院

義學附

卷六

職官

考表

卷七

官蹟

卷八

宦蹟

卷九

選舉

科第

薦辟

貢舉

武勲

封爵

卷十

武備

卷十一

田賦

地畝
起運
墾荒
驛站

科則
存留
耗羨
雜稅

正賦
雜貢
鹽引

人丁
漕糧

戶口
宗祿

卷十二

風土

風俗 物產

卷十三

人物

名臣

卷十四

人物

庶官

卷十五

人物

忠烈

卷十六

人物

孝友

卷十七

人物

儒林 文苑 行誼

卷十八

人物

義行 隱逸 技藝 流寓

卷十九

列女

賢母 賢婦 孝女 孝婦 烈女
烈婦 義女 義婦 完節

卷二十

列女

完節 貞壽 貞女

卷二十一

寺觀

仙釋附

卷二十二

藝文

制誥 奏疏 書啟

卷二十三

藝文

序跋

卷二十四

藝文

碑記

卷二十五

藝文

碑記

卷二十六

藝文

碑記

卷二十七

藝文

論寶銘議考說傳
雜著誌

卷二十八

藝文

詩

卷二十九

藝文

詩

卷三十

藝文

賦

卷三十一

禮祥

卷三十二

雜記

雜行

拾遺

勝錄

彰德府志卷十六

孝友

漢

郭巨隆慮人家貧養母有子三歲每供饌母必分哺其
孫巨謂妻曰兒分母饌母食不飽貧乏不能供子可
再有母難再得乃於野鑿地欲埋其子掘地三尺得
石蓋有黃金一釜中有丹書曰孝子郭巨黃金一釜

以用賜汝

搜神記 今祀
林縣鄉賢祠

隋

陸彥師字雲房臨漳人少有行檢爲邦族所稱長而好
學解屬文魏襄成王元旭引爲參軍以父艱去職

毀殆不勝喪與兄卬廬於墓次負土成墳公卿重之
多就墓側存問晦朔之際車馬不絕齊文宣聞而嘉
歎旌表其閭號其所住爲孝終里中書令河間邢邵
表薦之未報彭城王浹爲司州牧召補主簿後歷中
外府東閣祭酒兄卬當襲父始平侯以彥師昆弟中
最幼表讓封焉彥師固辭而止時稱友悌孝義總萃
一門遷中書黃門侍郎以不阿宦者遇讒出爲中山
太守有惠政文帝受禪拜尚書左丞進爵爲子隋承
周制官無清濁彥師在職凡所任人頗甄別於士庶
論者美之爲汾州刺史卒官

唐書

華秋臨河人幼喪父事母以孝聞家貧傭賃爲養其母

遇患秋容貌毀悴鬢髮頓改及母終之後遂絕櫛沐
髮盡禿落廬於墓側負土成墳有人欲助之者輒拜
而止之大業初調狐皮郡縣犬獵有一兔人逐之奔
入秋廬中匿秋膝下獵人至廬所異而免之自爾此
免常宿廬中馴其左右郡縣嘉其孝感具以狀聞煬
帝降使勞問表其門閭後羣盜起往來廬之左右咸
相誠曰勿犯孝子鄉人賴秋而全者甚衆

隋書
內黃忠義

孝弟
祠

不年事實失考府孝子祠木主現存墓在湯陰縣北五
里

唐

杜羔安陽人中書令正倫五世孫駙馬都尉中立之父也羔從兄兼祿山之亂年尙幼逃入終南山見伯父存介爲賊執臨刑兼號呼願爲奴以贖遂皆免建中初進士高第仕至河南尹羔貞元初及進士第有至性父死河北母更兵亂不知所之羔憂號終日及兼爲澤潞判官鞠獄有媼辯不凡乃羔母因得奉養而不知父墓晝夜號慟他日舍佛祠觀柱間有文字乃其父臨死記墓所在羔奔往亦有耆老識其隴因是乃得葬元和中爲萬年令時許季同爲長安令京兆尹元義方責租賦不時繫二縣吏將罪之羔等辯列尤苦尹不爲縱羔乃謁宰相請移散官憲宗遣中使

狀具對政府苛細力不堪奉詔皆免官奪尹三月
俸議者以羔爲直未幾授戶部郎中後歷振武節度
使以工部尙書致仕卒贈尙書右僕射諡曰敬

唐書

舊志附杜兼傳而爲按於下似失褒譏之體採正
史叙兼語於羔傳爲兩得也

后斥奴湯陰人李文綱臨河人皆事親居喪著至行者

唐書孝
友傳

上官文事實失考府孝子祠木主現存墓在湯陰縣南

十里據縣志
新增

宋

陳琰爲監祭禩史時丁父喪哀毀墳木連理憂除遷

中侍

宏簡錄
新增

陳岐陳嶷隨父寅守西和州元兵陷城父伏劍母杜仰藥死岐嶷及兩婦俱死母側寅死忠杜死節岐嶷死孝二婦死義世稱忠孝節義萃於一門

通志

段簡相州安陽民宋元豐二年父段化以疾失明簡屢求醫不驗一夕夢神人告之曰與爾此藥可用人髓下之則汝父之目立見光明旣寤手中果得藥乃卸左腕搥骨取髓調藥以進立愈相州具奏其事古有爲父母卸指者指復更生自非至誠安能動天地感鬼神哉似段簡者安知不然也

金

溫石字如石相人生於金大定中幼孤確重少諧戲八
歲與其兄同受論語孝經孟子毛詩小戴禮記年十
六兄死石奉母居郡南薛家莊其母亦安農自守石
與從子二早夜耕作修治廬落塲圃植榆接桑周匝
前後母大悅村落化之修行孝廉鄉人爭者待石而
決不之官府嘗侍母上冢母曰吾他年歸此白楊號
風得無懼乎後母以天年終石自穿土起墳旣塋親
從勸歸石曰營緝未就姑待之時已骨立親舊恐其
遂死又造墓固勸石曰祥而歸未晚也竟至禪榻當
時廬側設竈旦作粥一盂析爲三食之不復舉火負
土累月鄉人願代之稽顙謝曰非吾願也墓邇通衢

旅出旁年好事者來弔賻以果茶稽顙謝不受石有
姑賢旣除喪入城謁姑姑泣勞之石亦泣曰白楊之
懼吾母嘗言之石今卽殞滅無能報母恩顧嘗聞人
言持齋誦經可資冥福吾爲羽客何如姑責之曰汝
讀書胡出此言汝徒知感慕耳而無後罪大今汝旣
無嗣汝妻又先死汝復棄家汝母誰祀言未旣石流
涕曰受命矣廼復與從子耕娶妻生二子玠珪皆能
文章石年七十時享祭器必親滌七十一歲而卒

集

元

梁貞字幹臣安陽人爲府吏以廉稱中統初父喪廬墓

後轉山南東道按察副使以母老棄官歸孝養備至
母卒又廬墓遂杜門不出積二十餘年卒

舊志

梁琮字文玉安陽流寺村人至元五年冬父卒廬墓自
負土爲墳朝饘暮粥若將終身總管王某聞而嘉之
起爲府吏後以功官至福建路轉運副使作唐律類
要六卷農圃纂要四卷官吏須用十六卷

通志

梁鐸字振之琮從子父喪廬墓與弟鑄五人矢同居無
間言

通志

馬仲弼字廷彥安陽人性至孝每定省必和氣溫語得
親悅乃已父母卒廬墓三年詔旌表其家

通志

趙信安陽人事親以孝聞居喪廬墓祀孝子祠

通志